

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE
Kabinet općinskog načelnika



Broj: 02-23-3370/18-AP-6
Datum: 13.12.2018. godine

PREDMET: Poziv na javnu raspravu po Nacrtu odluke o usvajanju Inicijative za donošenje Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama

Općinsko vijeće Zavidovići na 27. sjednici održanoj 06.12.2018. godine, razmatralo je Nacrt odluke o usvajanju Inicijative za donošenje Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama.

Tom prilikom Općinsko vijeće Zavidovići usvojilo je Nacrt odluke o usvajanju Inicijative za donošenje Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama, te donijelo zaključak kojim se navedeni akt upućuje na javnu raspravu.

Svoje prijedloge, mišljenja i sugestije sva zainteresovana pravna i fizička lica mogu dostaviti pismeno, odnosno usmeno po Nacrtu odluke o usvajanju Inicijative za donošenje Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama do 07.01.2019. godine.

Javna rasprava održat će se **25.12.2018. godine (UTORAK) u 14:00 sati** u Zavidovićima, ulica „Safvet bega Bašagića“ broj 9, 1. sprat zgrade Općine Zavidovići, Velika sala za sastanke.

Nakon provedene javne rasprave Kabinet općinskog načelnika dužan je na osnovu pismenih primjedbi, mišljenja i sugestija, sačiniti izvještaj o provedenoj javnoj raspravi, te isti dostaviti Općinskom načelniku i Općinskom vijeću Zavidovići.

Kabinet općinskog načelnika će prilikom utvrđivanja Prijedloga odluke o usvajanju Inicijative za donošenje Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama, voditi računa o prijedlozima, mišljenjima i sugestijama iz javne rasprave i u obrazloženju akta navesti razloge zašto ne prihvata određene prijedloge, mišljenja i sugestije date u toku javne rasprave po nacrtu.

Tekst Nacrta odluke može se preuzeti na službenoj stranici Općine Zavidovići www.zavidovici.ba, u kategoriji „JAVNE RASPRAVE“, ili u Kabinetu općinskog načelnika, zgrada Općine Zavidovići, treći sprat kancelariji 301-b.

S poštovanjem.